


manuscript

re, & Corpus
ins, cum
Eva
In
com.
com.
com.



~~Dec 22 1800~~
~~1800~~
~~1800~~

10 / 150 / 15

50
 50

Einsynerhauken
 und viele andre
 garten

C. XVII. 23



(15)

S I G N A

VERIS LAUREATI,

è veterum fastis,

Ad faustum novi sæculi exordium,
symbolicis constellationibus,

O B S E R V A T A.

Meritis, Virtuti, ac Labori,

XI. VV. DD. Primæ Laureæ Candidatorum,
Dum in Vniversitate Studii Generalis Cracoviensis,

P E R
Clarissimum ac Admodum Reverendum Dominum,

D. M. ADALBERTVM IOSEPHVM

D Z I E L S K I,

Philosophiæ Doctorem & Professore,
Collegam Minorem, Ecclesiæ Collegiæ SS. Omnium Cracov:
C A N O N I C V M.

Artium & Philosophiæ Baccalaurei,

R I T E C R E A R E N T U R.

In vim fraterni affectûs

A

P E T R O B V C H O W S K I, Varm.

Ejusdem Laureæ Candidato,

C O N S I G N A T A.

Anno Incarnatæ Salutis 1701.

à prima Iubilæi per Bonifacium VIII. PP. celebratione anno 401.
à Iubilæo verò Moysis Levit. 25. completo, anno 3121.

C R A C O V I Æ.

Ex Officina Francisci Cezary, S. R. M. Illustris. ac Reverendis. Dñi Episcopi Cracov.
Ducis Severiæ; necnon Scholarum Novoduorsianarum Typographi.

REGI SÆCULORUM

IMMORTALI,
DOMINO DOMINANTIVM;

PATRI Ingenito, & in abscondito videnti,
CREATORI INEFFABILI,

Vocanti, Prædestinanti, & Providenti:
FILIO Genito, Verbo, à Patre Luminum descendēti,
SALVATORI CLEMENTISSIMO,

Gubernanti, Iustificanti, Redimenti:
SPIRITVI SANCTO ex Patre Filioq; Procedenti,
SANCTIFICATORI OPTIMO,
Conservanti, Glorificanti, Illuminanti:

DEO TOTIVS CONSOLATIONIS,
Incomprehensibili, Infinito, Immenſo,

Coæquali, Coæterno, Coessentiali:

Tremendæ Trinitatis Vnitati,

& Trinæ Monadi,

Potentia, Sapientia, & Bonitate,

tribus digitis molem Vniuersi Tenenti

A Laborum claudens Ω

in Agno, seu Ariete salutem humani Generis Perficienti:
ad cuius potestatem Nomenq; gloriæ,

Cœlestium, Terrestrium, & Inferorum motus
tremente curvantur genu:

In æternæ profundissimæ adorationis symbolum

Opellam hanc, Primitias laboris mei publici,

ad faustum Novi Sæculi Exordium,

pono, confesco, & dedico

cum inscriptione,

מִן הָעוֹלָם וְעַד הָעוֹלָם

הוֹדִינוּ שְׁמֶךָ

Hoc est,

à sæculo & usq; in sæculum
confitebimur Nomen Tuum.

Eiusq; Sanctissimæ Virgini

MATRI MARIÆ, ΘΕΟΤΟΚΟ

Vniversitatis Cracoviensis

ADVOCATÆ, PROTECTRICI, & DOMINÆ,

in Porta Majoris Collegii Thaumaturgæ;

Portas Cœlestes

ē Siderum combinatione,

per quas unicuiq; ad Supremam Patriam patet aditus;

In cultum dulciæ consecro

C V M L E M M A T E :

Te Duce.



Vgustam Cæli Dominā, Terræq; Potētem

Divitias hominum, Deliciasq; DEI

Si quando scrutor, nostris Hæc Sola stuporē

Inducit rebus; cunctaq; mira probat

Cui Pater æthereis Natum demisit ab oris,

Vt tantis meritis munera digna daret;

Nam dum nulli referendam legerat Arcam,

In qua clausa foret nostra redempta salus.

O quàm sublimè hoc, & quàm mirabile donum!

Quo nihil in terris carius esse potest!

Illa viam, portamq; gerit, quæ ducit ad ipsam

Vitam, mortales; Hanc velut aura fugit

Cerberus & Furiae, Chaos & Styx, deniq; quidquid
Horribile & foedum daemoneis aula tenet.
Illius auspiciis oculorum lumen ademptum
Protinus antiquae lucis in esse manet.
Quiq; graves morbos, & tristia fata tulere;
Hac hilares peragunt auxiliante dies,
Vrbis dum Craciae flagrant oppida flammis,
Obruta erant uno templa domusq; rogo:
Huius tutelâ, non Suetica tela, nec ignes
Maiori poterant usq; nocere Domo.
Sed Te, non opis est nostrae laudare MARIA!
Laudent in portis Te Tua sacra opera.
Ecce DEI sapientiae opes in limine praesto,
Huc age qui transis, lumina; sponte vocant.
Post Natum translata suum, Dilecta Iohannem,
In templo renuit laudis honore coli:
Nempe Augusta magis mundi Rectore, stupenda
Coelos non templum fabricat arte sibi.
Hinc Tanta ac Talis cum sis; nostras quoq; laurus
Subiectas pedibus nunc patiare sacris.
Nam prostrata semel docuerunt sceptrâ Cothurnis,
Fortunam Regum non meliore loco
Inter tot rerum discrimina posse reponi:
Quam cum prona tuos excubet ante pedes
Ipsa, triumphali quae subiacet orbita plantae,
Monstrat deberi (quidquid in orbe) tibi.
Cunctos ergo tuo complectere Virgo favore,
Coelestiq; Tuâ nos tuare manu.

B. I O A N N I
C A N T I O,

C O N F E S S O R I,

Regni Poloniae, & Almae Academiae Cracoviensis

T V T E L A R I.

Ὁ ΤΩΝ Ζωδίων κύκλος, sive in Sphaeram expansus Signifer; in quo Divus
Patriarcha Solis instar, caelestium influxu gratiarum refulget.

C U M L E M M A T E:

Da lumen ab alto.



D astra C A N T I! Zodiaco super
Evolve cursus; sunt Tibi lucido
Cum Sole virtutes eadem;

Scande viam, superesq; caelum.

Rotis verendum nè timeas iter;

Non vana poscis! jam tumidus Draco

Placavit iras, unde labens

Eridani quadrupes lupatō

Accendit undas. Axis ahænea

Per astra stridens Te Duce comprimat,

Taurumq; post fulvum Leonem,

Virgineos micet inter ignes.

Dotes coruscis pro radiis habes:

Quas aure pronā Romulei bibunt

Colles; refluxu gratiarum

Quas celebres venerantur oræ.

Perfundis alto lumine gloriæ

Septemtrionis Regna, nitentibus

Hinc indè flammis, more Phæbi,

Continuò recreas cadentem

Splendore vitam: postq; cubilia

Ægris vigorem reddis; ut abditum

Cum Sole per mundum revisas

Regna, Duces, populosq; lustres.

Sed, & quòd atrâ nocte reduxeris
 Vitam fugacem; quodvè represseris
 Martis furores; & salubri
 Aëra forte modò usq; serves,
 Clarefcis Orbi; non aliter nisi
 Vt Solis ignes, munere prospero
 Miremur in Te, tot favorum
 Vt radios videamus amplos.
 Miranda sêclis fama scientiæ,
 Te per Magistrûm pulpita prædicat,
 Dicuntq; passim, Cantianæ
 Quid valeant monumenta vitæ.
 De Sole nè quid luminis abstraham
 Tacebo vates; cârmine proferam
 Sub nocte, devotæ calentes
 Fervidiùs pietatis ignes.
 Virtutis ergò da radios Pater!
 Phœbiq; suavi stelligeras domos
 Evolve cursu; quò novella
 Laurigeris revireseat umbris
 Sors literarum; fac Patriæ dies
 Nostræ serenos; divite depluas
 Cœlo favores; fac ut isto
 Vere novo vireantq; Signa.

CLARISSIMIS & ADMODVM REVERENDIS DOMINIS,
 DD. EXAMINATORIBVS,

Clarissimo ac Admodum Reverendo Domino,

D.M. ANDREÆ BUCHOWSKI

Philosophiæ Doctori, Collegæ Majori, Regio, & Ordinatio
 Geometriæ Professori, S. ANNÆ Canonico, Curato
 Proboſtovicensi, ac interea Philosophicæ Facultatis

D E C A N O.

Clarif.

Clarissimo ac Admodum Reverendo Domino,

D. M. GABRIELI PROFECKI,

Philosophiæ Doctori, & Regio Professori, Collegæ Majori,
Sanctæ ANNÆ Canonico, Curato in Michałow.

Clarissimo ac Admodum Reverendo Domino,

**D. M. ALBERTO JOSEPHO
D Z I E L S K I,**

Philosophiæ Doctori, Collegæ Minori, Sanctorum Omnium Canonico.

Successio secundum seriem Signorum,

CUM LEMMATE:

Desuper omne bonum.

MArtius auricomi postquam per vellera Signi
Vidisset radiare rotas, Phæbumq; flagello
Romuleo Patri, fixos propellere menses:
Rex (dixit) salveto poli, post frigora brumæ,
Iam flammis succende Tuos tellure Triones.
Candida Bistonis quid squallet terra pruinis?
Tolle nives, jubeasq; rosas per prata, superbum
Ferre caput, campis calathos halare suaves.
Quam depressit Libra diem, quam Scorpius ictu
Affluxit, fusaque polo domuere Sagitta.
Tristibus & circum perfudit Aquarius undis,
Gaudia nec taciti sparsere per aëra Pisces.
Tu modo flammivomis accendas Phæbe quadrigis
Liberius scrutare polos, rectoq; sereno
Iam lustres telluris opes. Mox Ariete misso
Ad Taurum descende tuum; Geminisq; tenellis
Da vultum Cancroq; genas; & Rege Leone
Rex sublimè mices; post castæ Virginis, auctum.
In dotem trans mitte jubar. Vix Martius ergo
Exitum verbis, linguæ posuitq; quietem;
Hæc Titan responsa dedit. Sententia Mensis
Arridet persuasa mihi, primarius hospes
Arietis ipseus ero; per cætera Signa coruscus
Ibo. urgensq; rotas abscondit in ore loquelam.
Sic Pater Arcitenens tali procedet in axe.
O Magni quos Stoa colit, Peripatus adorat!
Vos similes tentate vias, sunt Signa pudendis
Non monstris funesta quidem, nec qualibus astra.

Terrent, & varijs deturpant sidera formis,
Virtutis sed nota modis. Tua Purpura primum
Extendat radios pulchrósque resurgat in ignes
BVCHOVI. Te Fama celer devexit in orbem,
Te virtus per summa tulit, non limite tantum
Circumscripta iacet, totus quò permeat orbis,
Indefessa sonat. prono Te murmure Tibris
Imbibit, & nomen latum diffudit in aquor.
Non juvit laudasse humiles: diademata semper
Fudisti, Sceptraq; pedes numerasse videbam,
Cum Ducibus tacite texebas carmina magnis.
Exilem sed linquo chelym, non murmura fingam
In laudes, animo Tua facta stupebo silenti,
Et tacita Te voce colam. Vos vero sequentes
Iam metró maiore canam: procurrite laudes
Et magnum meritis Vestro cumuletis honore
PROFECKI, quem fama colit, quem rostra coronant:
Quidquid magnifici stupuerunt secula, ferme
Hic possessa tenet, quo tantum Stoa labore
Sudarvit, perfecit opus, quo Tullius ore
Dixerat, hic fingit magnum dicendo Parentem.
Non steriles sacrae Templorum in verba Cathedra
Continuò magnum cupiunt audire Periclem;
Nec pereunt curæ, quas non dignentur honores,
Et solvant mercede pari; majoribus olim
Fulgebit virtutis apex; modò vita superstes
Decurrat longum tempus felicibus annis.
Iam Tua propensis instant encomia votis,
Te DZIELSKI illatura polo: profusa laborum
Exambit moles, circumstant ordine longo,
Hic scriptis violata quies, hic carminis alti
Entheus, in studium, varijs splendoribus actum.
Fervida Doctiloquo dictat Te Musa coturno,
Et stipant Sophicae circum per castra phalanges,
Has animas, & bella moves, vel tela ministras:
Qualia nec magnus Zeno dictavit Athenis,
Nec misti doctis Satyri, stupuere bicornes.
Tam celsi, dotes animi si prisca viderent
Secula, magnifico vixisses semper honore.
Vos tandem medio circum labentia celo
Signa Viris, pulchros posco signetis honores;
Et vitæ veniant census, longæq; salutis
Gloria, conspicuos vivat regnata per annos.

S I G N A
V E R I S L A V R E A T I.
I. V. D. FRANCISCO NIEWIESKI.

Aries, Græcis Κεῖος. oriri incipiens, faustum Veris initium determinat; à Phryxō olim Iovi & Marti consecratus, stellis transfigurari in calo meruit. Apud Romanos ad eius ortum Ludi Martii inchoabantur.

CUM LEMMATE;

Auspice cælo.

Impexis, Aries, ajunt, quòd crinibus ortus
Sidera fausta regat, quæ magnis sæpè nequibunt
Parere Ingeniis: hic calcat fortiter octo
Astra, decemq; suo pede; Veris solus & ipse
Limina prærumpit, postesq; à cardine vellit;
Frigida sub clausa terra quas bruma tegebat;
Et densas cœli purgat caligine Sphæras.
Hoc Signum, quondam Divis Martiq; Ioviq;
Colchidis ante aram, sacratum, more priorum,
Stellis præcinctum, meruit conscendere cœlos,
Primævasq; faces accendere lumine Phœbi.
Martius hoc Signo, claret, ludiq; Gradivi
Romanis festi fuerant; quòd limina Veris
Inchoet, & bellis Aries promitteret ortum.
NIEWIESKI primam spem nobis munere laudis,
Ingeniisq; Tui præclaris dotibus affers;
Qui virtute Tuæ mentis super æthera scandis,
Astrorum seriem numerans, ortusq; domosq;
Et Solis, Lunæq; vias docto ordine scribis.
Te Maternus honor, Te magni fama Parentis
Commendat celebrem, faustos quoq; spondet honores,
Cujus & exemplo noster componitur ordo.
Ergò Tu retera primæ vestigia laudis;
Festaq; Mavortis per ludos ipse Minervæ
Transmuta; vitæq; Tuæ probitateq; morum,
Principium Veris dictis, scriptisq; corona.

II. V. D. STEPHANO BENISCH, Crac.

Arcturus, in Martio emergens Sidus è Signo Bootis, ad cuius ortum æchronicum, Romæ, Iovi Cultori dies festus dicebatur.

CUM

CUM LEMMATE:
Accedent Veris honores.

R Is septem, rutilum designant astra Boóten,
Quem perfundit Lumine clarus
Arcturus, nimium primævo cognitus ævo,
Et melius sua sidera lustrat,
Principium Veris spectato spondet ab ortu,
Festivos Florumq; nitores.
Ver nitet hoc Signo; claris Romanæq; Templâ
Luminibus decorata refulgent;
Cultoriq; Iovi plaudentibus undiq; linguis
Festus honor Lauriq; dabantur.
BENISCH accedis splendens quasi lumen ab ortu,
Ingenio virtuteq; clarus;
Materiem calamo præstas, suadamq; canoram,
Procedens per pulpita Stoa.
Ergo cum tantis donis, tantoq; favore
Te rerum natura beavit;
Arcturus velut, ingenii splendore tenebras
Insigni dispergito nostras;
Difficiles nodos, & rerum anigmata solve,
Hoc præclara mentis acuto
Conceptus; sumas quo faustos Veris honores.
Doctrinæ decus atq; perenne.
Sic crescat cultus Divini Nominis ex Te,
Et series longissima Veris.

III. V. D. IGNATIO MICHAŁOWSKI, Crac.

Lucida Persei Stella, ob memoriam Andromedæ servatæ in Martio apparet;
quâ visâ apud Romanos Minervæ festum celebrabatur.

CUM LEMMATE:

Fugat ista tenebras.

Q Vando Aries oritur, consurgit pars quoq; læva
Nominis Andromedæ,
Atq; Caput Persæi, post Scuta & Lilia, punctis
Cardineis rutilans.
Præcingi meruit, cœlum nimirumq; calenti &
Lucifero hoc radio:
Cujus splendorem Latii dum culmine Montis
Ipse Quirinus Olor
Cerneret; edixit celeberrima festa Minervæ
Atq; dies hilares,
Nunc igitur Pallas quando pro more Priorum
Laurea ferta parat,
Insignem

Insignem meritis doctrinam ad Festa Minervæ
Cerno nitere Tuam:
Eloquio celebri, præclaro & acumine mentis,
Ingenio & facili,
Præfulges MICHAŁOWSKI, spondesq; cathedræ,
Pieridumq; choris
Ornatum mentis, cœu quoddam sidus ab alto,
quo fugias tenebras.
Ergo succrescas ad veræ laudis honores,
Sideris auspicio:
Culmina Parnassi, claros Phæbiq; labores
Condecora meritis.
Ad votum veniant virtutum munera quæq;
Prospera, Vere novo.

V. V. D. IACOBO ARAKIEŁOWIC,

*Lyra achronicè oriens, Festa Iuvenalia Mense Martio
Romanis intimavit.*

CUM LEMMATE:

Omine prospero.

G Nosiacam sequitur niveo vicinus Olori
Engonasis, dulcemq; Lyram miratur & audit,
Quæ lucens etiam cœli regione locatur,
Nec non flammiferis radiis nova sidera monstrat.
Cujus ad exortum Romæ Iuvenalia festa
Insigni populi plausu, multoq; nitore,
Ad Capitolini fiebant culmina montis.
Sic Lyra festivos cœli terræq; favores
Vere novo retinet, celebres & Apollinis arcus.
Ad juga Parnassi transmittit munere Lauri.
Nunc quando similis celebratio contigit isthoc
Sub Signo, Cujus festo Lyra surgit ab ortu;
ARAKIEŁOWIC fulges virtutibus, atq;
Doctrinæ lumen spargis, vitæq; nitores:
Scilicet eloquiô & Romano Tullius ore
Vltrò commendat Te, constans undiq; fama
Circumstat, facili & pro Rostris munere spondes
Insignes meritum titulos, altasq; cathedras.
Accedit pariter doctæ constantia vitæ,
Et fervor studii, Lesboum carmen, & ingens,
Parnassi cultus, concentus deniq; morum,
Cœu Lyra præfulget, lauros nostrasq; coronat.
Hoc procede Tuo niveo sub sidere, doctum
Mularumq; chorum Cracium tot dotibus orna.

C.

VI. V. D.

VI. V. D. IOANNI GNIATKIEWIC,

*Pegasi Sidus manè se occultans, faustum Veris tempus indicat,
quò viso Romæ festa Hilaria celebrabantur.*

CUM LEMMATE:

Felicibus alis.

I Aëtaris fugitans vertice Pegason
Matris progenitus, sidera motibus
Penna qui tetigit, promeruit novo
Calos scandere lumine.

Densis ipse caput nubibus ingerens,
Se cum luce sua subtrahit Orbita,
Signis non dubiis prospera floridi
Veris tempora nuntiat.

Hinc dum Romuleis sidera gentibus
Hæc apparuerant, semper Hilaria
Fiebant, hilares omnibus undiq;
Applausus geminantibus.

Astrum Pegasium Tu melius mihi
Fulges; qui in stadio munere prospero
Doctrina veniens ad sacra culmina,
Splendore ingenii nites;

In Te prisca manent dogmata cognita,
Fulgent & melius dotibus & Tuis
Festiva cathedra; quando laboribus
Ista hæc continuò beas.

Sic ergo rutilans fulgidius mica,
GNIATKIEWICZ melior currito Pegason,
Ex virtute novam in Gloriam honoribus,
Fidus quam voveo Tibi.

VII. V. D. STANISLAO BROSZKOWSKI

*Argonavis ob prosperum Iasonis navigium meruit in celo figurari,
cujus stellæ visæ Castoris & Pollucis, diem festum Romanis
indixerunt.*

CUM LEMMATE:

Expansis velis.

I Asonis Navis nimium venusta,
Aureum Vellus Colubri sopore
Quod rutilis claris micat inter astra
Incluta flammis.

Litus

Litus hoc Grajūm celebrat stupore.

Celchidis fulvō recreat metallō

Thracias Vrbes, Iovis, & furentis

Regna Gradiū.

Hac diem festum potiore iure

Oebalo, Romæ genitum revexit,

Et novos ignes meruit perenni

Sumere lege.

Tu gravem cū nunc superas charybdim,

Atq; scyllarum scopulos ab arte,

Pergis audacter velut inter altos

Gurgite fluctus;

Solvīs & nodos veterum Sophorum;

Lucet ac in Te pietatis ardor,

Candor & morum, ut potiore lauros

Iure corones.

Advehis nobis peramica Stoa

Dogmata, & puri Latīq; fontis

Optimam suadam, velut albo ab ipso

Vellere dicta.

VIII. V. D. THOMÆ MAIEWSKI

Vergiliæ, Vespere, occasu Heliaco se occultantes, quo tempore Isidis

Navigium apud Romanos celebrabatur.

CUM LEMMATE.

Plantibus Ethesiis.

Isis Delicium Patris supernum
Pergrati Inachi, ab hinc Io vocata :
Magnis quam rapuit dolis per Orbem

Summus Iuppiter, in novam juvencam

Celsit magnanimæ sopore misso

Iunonis ; tulit & stupenda quæq; :

Ast Hæc auxilio Iovis beatum

Portum frugiferi tenendo Nili,

Formam præteritam recepit, atq;

In stellis meruit supra locari.

Hanc ritu memori per Astra famam

Gentes Romuleæ diu colebant,

Visis Vergiliis rubente Phæbo.

MAIEWSKI radiis stupore summo

Fulges eloquii, sophosq; quando

Percurtis melior Demostenes, &

Concludis potior tuum perennem

D

Ascen-

Et manè frigens; Numina victimis
 Placabat. Ast nunc Pallas honoribus
 Nos quando vestit laurearum;
 Tu renovas celebrem hunc nitorem;
 Ceu lumen ardes ingenio Tuo.
 Mentescq; nostras irradias benè;
 Tu literis nostris decorem
 Addis, & has recreas, beasq;
 Constanter ergo Maxima nunc Tua
 Virtus in altis crescat Honoribus,
 Et laudibus magnis; eatq;
 Per titulos, memoresq; fastos.
 Tu vive nostri Gloria, Tu decus
 Et Lumen alto sidere luceas;
 Ad Cujus ardorem serenum,
 Laus Tua perpetuò perennet.

IV. V. D. PETRO BVCHOWSKI, Varm.
 Primæ Laureæ Candidato.
 A V T H O R I O P E R I S.

In argumentum mutui affectus, & gratulatorij applausus,

I. V. D. FRANCISCVS NIEWIESKI,
 Ejusdem Laureæ Candidatus, offert

Coronam positam ad Borealem plagam propè Bootem, stellis octo adornatam.

C U M L E M M A T E:

His splendoribus aucta.

S Vrgit ab æquoreis undis cum Sole Corona,
 Lultrat Cecropiis in noctibus igne rubenti
 Ludentem somnos, & adurit luce Pœtam.
 Ut videat laudis præclaræ mane serenum.
 Delicium Phæbi BVCHOWSKI, sydere fausto
 Accensum meritis totum quod fundis in Orbem.
 Hinc Oriens famæ spondet, quod præpete cursu
 Conscendes medium Virtutum fulgidus Axem.
 Diceris & Nostris charus magis esse medullis,
 COR nostrum capiens, hinc syllaba prima CORONÆ.
 Gnosia Mercurii naturam tractat abundè,
 Ambrosiam fandi labiis instillat apertis.
 Sumpsiisti solidæ Nomen de Nomine Petræ,
 Quæ pretium superans adamantis, duriùs obstat.
 Ut studii vincat curas solidetq; laborem

Inge-

Ingenii; Nitidus præstanti Philosophiæ
Ductricis vitæ cultu iuadæq; Cothurno
Pulchrior insertus, fulges splendore, Coronæ.
Palladis in campo generosè bella gerebas,
Victrices pugnas compensat Laurea prima.
Ergo ubi præclaros poscent Tua facta triumphos,
Accipias, qui nos laudis clangore sonabas,
Pro spoliis canimus de Te præconia, dignas
Solvimus & grates: Tu magni munia Fratris
Inspice; doctrinæ claros imitare labores,
Sic Cælum Lechicum Cracias tùm munere Musas
Condignis factis, scriptis quoq; condecorabis.

E I D E M.

IV. V. D. PETRO BVCHOWSKI,

Primæ Laureæ Candidato,

A V T H O R I O P E R I S,

M A R T I N V S B I R M A N,

Ejusdem Primæ Laureæ Candidatus,

In contestationem mutui affectûs adscribit

*Signum Oloris, ad quod in Græcia Orgia Sacra ab Orpheo instituta fieri
solebant in montibus circa Veris initium; nam Olympia, seu γυμνικόν cer-
tamen, in æstare circa solstitium mense Παιωνί seu Iunio fiebant.*

C U M L E M M A T E:

Εκ τῆς καθ' αὐτὸν ὁ Λένδορον γνώσκων.


Cignus in æthereis currens fulgentior oris,
Fulgidus ad Cytharæ permeat astra locum;
Cui via sublimis cælo manifesta sereno,
Lactea consurgit, datq; iter ad Superos.
Hujus ad exortum, quæ condidit Orpheus, olim
Orgia Dardaniis culta fuere jugis.
Ex Te par surgit nivei splendoris imago,
Carminæ Lesbœi qui modò Signa canis.
Pegaseum non ungue vadum, cytharamq; canoram,
Sed cupis Ausonio sollicitare metro
Sidereos motus; doctrinæ munera quæq;
Pangis, & exculpto carmine fingis opus.
Stellatos scribis celos, tum Veris honores,
Et nisi præclaras pagina versat opes.
Te similis fortuna fovet, Te candor amoris
Fraterni paribus cingit utrinq; modis.

E

Hinc

Hinc alics fando superas, linguæq; decore;
Quem tibi Castaliis lavit Apollo vadis.
Eloquio si rostra tuo resonare necesse:
Nectareus roseo stillat ab ore favus.
Si placidam pulsare chelyn, vel Apollinis arcum
Tendere contingat; non Rhodiu. inde tibi.
Solvendum veniatdum si dogma Sophorum,
Hos bellè mentis lance librabis opus.
Vnde sacri studii ætas intenta Lycæi
Spondet Palladio nil nisi magna polo.
Sidereis ergo radiis, & flore virenti
Vivas, pro metris hæc tibi dona fero.

Sub Felicissimis Auspiciis,
Magnifici, Perillustris, & Reverendissimi Domini,
D. M. M A T H I Æ
P S O I E C K I,
Sacrae Theol. & Iuris V. Doctoris & Professoris,
Ecclesiarum Cathedralis Cracoviensis Canonici, Collegiarum,
SS. Omnium Crac: Praeposit, Opatoviensis Decani, Curati in
Osiek, Comubernii Jagelloniani Provisoris, S.R.M. Secretarii,
Studii Almæ Universitatis Cracoviensis,
Generalis ac Vigilantissimi
R E C T O R I S.



XVI. 23



624044 Bibliotheca 120008.
P.P. Camaldulensium in Bielany

Depozyt w Bibliotece Jagiellońskiej



06956

E. XVI. 23



624044 Bibliotheca 120006.
P.P. Camaldulensium in Bielany

Depozyt w Bibliotece Jagiellońskiej



06956

¶ uno dno
¶ ad p. m.

Lect. 1. Noct. de
fer. *Dua Miss. C.*
com. præc. & fer.

M A J U S.

17 Sabb: Monica Vid. &c. Vesp. de sequ. com.
Domin. & præced.

18 Domin. 5. post Pasch. Erii Reg Mart. dupl.
9. lect. & com. Domin. CR. Credo dic. Vesp.
Cap. de sequ. com. præc. item Domin. &
S. ent. Virg.

J U N I U S.

19 v. Octava SS. Corporis Chr. In Vesp. com.
sequ. & S. Silverij P. M.

20 vj. Æschili Ep. Mart. dupl. (fuit 12. huius)
9. lect. & com. S. Mart. CR. In Vesp. com.
sequ.

21 Sabb. Ubaldi Ep. Conf. semid. (fuit 16. Maij)
in hym mut. CA. Vesp. ut in ordinat.

22 Domin. 3. Dedicat. &c. In Vesp. com. Do-
min. & sequ.

23 ij. Extra Crac. Vigilia, Venantij Mart. semid.
(fuit 18. Maij) 9. lect. & com. Vigil. *Dua Miss.*
CR. & Viol. Vesp. de sequ. *sine comm.*

J U L I U S.

6 Domin. 5. in 5. post Pent. Octava SS. Apost. In
Vesp. com. com. Dom. & sequ.

ij. Crac. Vena. Venantij Mart. semid. (fuit 18. Maij)
CR. Vesp. à Cap. à Cap. de sequ. com. præc. Extra
Crac. Mariæ Mariæ Magd. de Paz. Virg. semid. (fuit
25. Maij.) CA. CA. Vesp. ut supra.

iv. Crac. Mariæ Mariæ Magd. de Paz. Virg. terrid.
(fuit 25. Maij.) CA. Vesp. à Cap. à Cap. de sequ.

SS. Mart